

近代中國史料叢刊第二十二輯
沈雲龍主編

湘軍水陸戰記（卽湘軍志）

王闓運著

文海出版社印行

湘
軍
水
陸
戰
紀

此書即王圖運湘軍志

乙酉仲春月京
都同文堂石印

湘軍水陸戰紀序

吾友虞山鮑舍人叔衡隱滬上有遠略棄帖括小家書凡經世有用文字能如國語國策者銳資獨播不尠余甚韙之丙戌五月過申叔衡又得曾文正湘軍水陸戰紀四卷底稿示曰此非今之國語國策者乎翻閱一過徐應曰然後十月僑寓雲間叔衡將此書石印告成郵寄囑序余喜叔衡勇於任事遂爲文以壯之曰古稱作記以柳州爲絕詣然柳州之紀紀遊也山紆石折路曲巖幽無一複沓空泛之境令讀者心迷神往詫爲奇觀豈山水果於斯而絕歎抑亦記者之筆有以幻之也若紀戰而亦隨意點綴涉筆成趣可乎吾讀水陸戰紀而知曾文正創湘軍首團練盡起湖湘非常之士雲集響應縱橫天下卒平大難凡所經行省紀其勝績共一十六篇若不經意隨筆點綴亦若柳州紀遊刻劃山紆石折路曲巖幽無

一複沓空泛之境使讀者旌旗炫彩如在目前嗚呼何其神也夫能戰而能紀者文正之學問也戰無不勝勝無不紀者文正之謹慎也余常嘗約言曰我朝自髮逆創亂以來惟服曾文正胡文忠駱文忠三公爲今世瑜亮而曾文正之學問胡文忠之經濟駱文忠之策畫皆天予之且曾文正用力於謹慎胡文忠用力於果決駱文忠用力於靜攝各有心得故能出險履夷驅瘴掃氛如遊山者之穿雲踏霧曲疊成趣不待勉強然胡駱二公遺集薨後始傳惟曾文正乃能自紀其篇未及薨而藁已脫非胸有學問以致力於謹慎何能自立不敗之鄉而偉茲經世大文哉若夫柳州之筆以紀遊而神不知文正之筆以紀戰而神以遊而紀眼中預有此境以戰而紀眼中非預有此境以無境而若預有此境如尋溪問壑忽而山重水複忽而柳暗花明天然變幻故紀戰較紀遊爲更神矣紀戰而偶紀一勝

之戰爲意中事必其屢戰屢勝而盡紀之無一彷彿則非意中事以非意中事而必期諸意中假戰陣以宏其文者是湘軍戰紀一書其爲天地之大文古今之至文萬世之傳文也奚疑又兵法曰兵不厭詐考古今七十餘家未有堂堂正正如曾文正者而文正歷軍十餘載所向皆捷無壬遁風角詭譎之術以炫異耳目此文正所以得稱爲正抗絕前古者以此惟其正故無復沓空泛之戰亦無復沓空泛之紀陰陽開闔順天理之自然協人心之同然而其文當駕國語國策而上之是爲千古戰紀之祖學者當讀其文慕其行如蘇季子獲陰符簡練而揣摩之其有資經世之學不淺此正今之國語國策者豈紙上談兵諸子所能望其肩背哉功名顯於天下文章傳於後世文正之賢所以獨隆千古矣余甚敬之佩之私淑之余生也晚惜未親炙其門爲成材之選深以爲慨茲讀其集益嘉叔衡勇於任

事之意蓋爲之代其說以遍天下

光緒十二年丙戌冬十月上澣永川宋榘志於雲間蝶仙館

湘軍水陸戰紀總目

卷一 湖南防守篇

卷二 曾軍篇

卷三 湖北篇

卷四 江西篇

卷五 曾軍後篇

卷六 水師篇

卷七 浙江篇

卷八 江西後篇

卷九 臨淮篇

卷十 援江西篇

卷十一 援廣西篇

卷十二 援貴州篇

卷十三 川陝篇

卷十四 平捻篇

卷十五 營制篇

卷十六 籌餉篇

湘軍水陸戰紀總目終

湖南防守篇第一

自古官軍勢者多侈言形勝要害積疆弱之故然其實非也項羽繆言郟爲天下上游湖南自郡縣以來曾未嘗先天下 國朝移行省於長沙復漢國制控扼十六大城以首防故鎮守頗有精兵出征四方至其材賦全盛時才敵蘇松一大縣院司之選在直省下等威豐初元巨寇洪秀全自全州出永綽圍省城掠舟洞庭遂連破名省天下莫能當 文宗憂之詔湖南治團練善後以鄉人副巡撫湘軍始萌芽矣方圍城時官吏倉皇治軍劣愈於武昌安慶其後湘軍日彊巡撫亦日發舒體日益尊至庭見提鎮易置兩司兵餉皆自專湘軍則南至交趾北及承德東循湖汀乃渡海開臺灣西極天山玉門大理永昌遠度烏孫水屬長江五千里擊柝聞於海自書契以來湖南兵威之盛未有過此者也無他故專滅洪寇之功耳然而洪寇之盛則亦由湖南始始合圍而繼之後起偏師追而殲之豈天數邪一二人謀力之所致也道光三十年五月庚戌廣西亂始上聞其時慶遠平樂潯州在在劫掠而名者陳亞貴廣東英德盜掠浚光戕守備走懷集湖南始戒嚴駱秉章爲巡撫九月 詔徵鎮守兵二千詣梧州從兩廣總督進征起李星沅於長沙授欽差大臣專赴廣西又 命秉章出境防勦秉章奏省城居中宜鎮定且飭邊吏屯戍十二月陳亞貴平乃討金田金田村者潯州倚郭桂平縣地前史所稱大藤峽也其西則武宣貴縣土客民自來襟居相讎姦民楊秀清利客豪資說令求土民女爲妾又自至土家激撓之因勸豪劫女使相攻燒衆

無所歸秀清則悉劫之以叛有衆數千惡自倡亂乃投金田合於洪秀全自明末西夷人以數算新法訖中國因得布其祿教愚民傳奉世代祕守婦女尤感之秀全亦假以招誘僱官吏訛索遂拒險屯結秀清至自言通天語秀全當爲天兄咸豐元年僭號天王出掠旁縣廣西巡撫周天爵提督向榮將萬人并前發諸軍四千餘人圍之大黃江星沅天爵不相下奏請統帥大學士賽尙阿帥二都統將四千五百人駐湖南爲聲援四月 詔賽尙阿代星沅星沅薨寇自武宣潰圍東北走象州乘章奏言湖南防兵四千餘前 詔提督余萬清出境會攻力不足 命總督程濬采行邊六月寇還武宜八月潰圍大破巴清德軍東走廉北犯永安陷之余萬清母喪解官留營九月鮑起豹爲提督屯江華二年二月永安寇潰圍直北趨陽朔四總兵敗死遂圍廣西省城余萬清將千人往援屯北門三月郴盜劫餉銀殺知州胡禮箴四月寇解廣西省城圍東北陷興安全州撤七千人追之以和春將壬寅寇入湖南境將趨永州阻水退走道州余萬清先還守道州城總督駐衡州聞寇遽乘舟北走萬清亦棄城不守乙巳道州陷巡撫委事總督總督聞永州寇退復還衡州六月庚辰朔賽尙阿移駐永州合兵二萬餘人圍寇道州撤鮑起豹還長沙丁亥寇分陷江華殺知縣劉興桓壬辰陷永明丁未陷嘉禾戊申陷藍山七月己酉朔陷桂陽州知州李啓詔走死庚戌陷郴州殺知州孫恩保 詔罷賚乘章逮治余萬清以羅繞典治軍長沙料兵唯二千餘人練勇三千餘人巡撫張亮基未至總督程濬采託衡防不來乘章繞典方議築土城禁謠言未能謀兵

事也寇歸附彬縣府往己未走永興殺知縣溫德宜分黨蹂之大軍悉移永興蕭朝貴者以膽請自奮謂
羣寇逼懷獨率千餘黨謀襲長沙繞山道東北行百九十里掠安仁丙寅陷之北犯攸丁卯陷之遂過醴
陵丙子至省城南十里止城中料寇當從來衝正道來民走報寇至怒其無公文執將斬之石馬鋪屯將
尹培立以潼關副將率陝西軍千人倉卒拒戰陝軍不慣稻食所屯地無芻皆買之城中軍未朝食相持
一時許皆潰散培立死之於是潰軍或走城中巡撫方巡城乃遽還塞南門然猶不知何軍潰敗城外居
民亦不知寇已至蕭朝貴設幕城南有楊生者誤以爲達官上謁獻策朝貴領之俄而寇將至怪問何人
朝貴曰此楊先生條程事者生覺蒲伏幕後踰山走而寇望城東南隅高樓以爲城樓趨之則非門返而
南門塞城中乘城分守矣寇據郭外民居不知所以攻但發礮擊城礮丸及城中街有賣漿者方食而碎
其盤城中大震或議發城上大礮擊之或曰無礮臺必驚崩城垣不可輕也寇至之日城中兵勇八千餘
統將數百名隸巡撫巡撫不敢言節度諸生及舉貢各自請領百人或二十人佐巡塚口多詣羅繞典言
事布政使恆福內召潘鐸代之未至署司道周顥張其仁等莫敢與兵餉大議惟善化知縣王葆生頗好
言兵諸大吏將帥亦莫之問也鮑起豹居城南樓迎城隍神大像與對坐張亮基已至甯鄉界聞警還屯
常德集兵八月壬午鄧紹良將楚雄兵九百人屯南城始發礮擊外寇潘鐸至步巡城中令居民商賈各
安業無恐城中被圍七日亦稍自定 詔奪賽尙阿程喬采官以徐廣縉并代之促向榮赴援向榮自四

月初稱疾居桂林賽尙阿深劾之罪至遣戍榮終不起聞賽尙阿罷乃疾行癸巳至丁酉張亮基至己亥
駱秉章解任留居城中庚子郴寇悉趣長沙益募礦夫穴城根九月丙辰賽尙阿至詣援師大集近五萬
矣向榮不樂居城中以寇渡湘亦率所部渡湘爲屯時獨搏戰不利諸軍相視莫往城南戰事主於和春
屯白沙井自以扞遏爲功而江忠源以偏師與合屯或以爲忠源之謀然寇與官軍均踰伏屯內屯外一
里行人來往自如入城者唯避南門其餘六門皆可縋以出入衢巷間婦女娛遊酒食過從盛於平時若
忘其爲圍城焉丙子南城地雷轟發城崩四丈鄧紹良部軍方集天妃祠攤錢博戲紹良獨拔刀當城缺
斫先登一人者顛部軍聞之皆棄錢奔城缺寇不敢上練丁樟木石塞缺口城守復定十月己卯地雷再
發不及城垣甲午地雷發城崩八丈瞿騰龍拒缺口寇復退走於是徐廣縉方止湘潭議者以爲合兵腹
背擊寇可殲也而巡撫群官以爲賽尙阿在城中廣縉不宜來逼之其前軍將福興寔來乙未夜半寇渡
湘西走丙申城上誦寇屯疑空虛有呼者曰賊去矣將帥聞報皆愕且懼無敢言賀而僚吏士民相慶論
功不復問寇所往張亮基奏請防湘澤徐廣縉以爲寇走甯鄉遣兵南防湘鄉故寇收罷衆從容以去或
曰和春軍士賈縱之或曰非也寇不畏官軍安肯賄之戊戌寇破益陽掠船出資口十一月己酉破岳州
岳州之防以土人領漁船五百欄土星港遏諸商賈民船萬數寇至漁船散走悉掠兩岸人船寇勢自此
盛矣諸將唯向榮遣兵尾追陣亡副將紀冠軍湖北提督博勒恭武道員王東槐將八百人防岳州寇至

與府縣官俱走 文宗梅用徐廣縉嚴詔切責廣縉知事必敗遂益逗留與人書自言屏息以待雷奮湖
北巡撫常大潛奏雷江南提督雙福助守悉斂兵入城寇以故水陸長驅十二月己卯湖北省城陷辛丑
逃治徐廣縉以張亮基署總督潘鐸署巡撫羅繞典以雲貴總督防剿襄會國藩以在籍侍郎幫辦團練
丁亥遣江忠源討潯陽土寇方省城之被圍也潯陽廣生王應璩得周國虞通寇書國虞懼殺應璩言官
發其事下巡撫張亮基猶豫未敢發周國虞者忠義堂盜魁也忠義堂自承平時有之劫掠私門陰署
徒黨歷年不能治亮基畏其衆初作奏以爲不足煩兵已而跋足臥且思躍起曰決矣乃遣忠源忠源初
至國虞以爲兵少易與遽襲其營官軍出衆駭退遂逼其巢下令良民投營領牌者貸死其夜解散數千
國虞走江西斬其黨衆十餘人湖南討土寇自此起三年正月丁未寇棄武昌東下壬戌陷安慶張亮基
至湖北治軍奏以江忠源自隨是時曾國藩始至省城講練軍城中守兵四千將領多者統五百人少或
百人以游擊色欽額總營務練勇成軍者有南勇潯勇楚勇寶勇湘勇率以文員領之而同知王葆生官
最大餘悉用生監新田張榮組以知州在籍頗被擢用有事輒令將以往道員張其仁爲總巡而夏廷楹
裕麟爲委員總辦練得與詳議二月寇連陷江甯揚州益趨東北潘鐸奏撤兵二千餘人匪沅州兵千七
百防省四月鏗病免贛臬章自湖北移撫湖南江西上猶土寇犯桂東廣東陽山土寇犯宜章臨武永興
土寇起掠安仁並進夏廷楹率張榮組往討之軍至寇解散國藩奏重懲內姦因以便宜捕斬姦民胥隸

甚衆以劉長佑王珍將練勇州縣上言積盜拒捕者輒以兵往衡山新田劫盜起皆討禽之又令在城官兵月六會探以署參將塔齊布訓練勤特奏選一階令兼領練軍五月廣西興安恭城寇起犯永明江華藍山臨武零陵永桂官兵拒討之鄰縣衡山姦民復相扇動張榮組羅澤南往捕之江甯寇分黨掠江西圍省城別遣寇黨沂江陷安慶江忠源自湖北率所部軍入南昌助守請援於湖南秉章國藩以楚勇最有名檄寶慶知府魁聯募二千人益以湘勇千人鎗算辰沅兵六百人遣夏廷樾朱孫詒各統之而羅澤南實主其軍純用其弟子師營哨別用忠源弟忠淑率楚勇先進期會於瑞州忠淑軍於道潰散廷樾等至南昌一戰不利諸生死者七人收衆入城忠源以新軍不可用令往吉安擊土寇七月廣東樂昌寇犯興甯王珍拒走之八月南昌圍解援軍還江西太和寇陷茶陵王葆生塔齊布王珍合討之寇進陷安仁殺訓導吳棠尋退走鮑起豹以南昌圍故入城治防惡塔齊布之爲會國藩用也長沙協清德因而間之縱提標兵圍國藩行轅國藩走免遂移駐衡州語在會軍篇九月湖北防江軍潰於田鎮張亮基免吳文鎔爲總督廣東英德寇犯宜章周鳳山儲玖躬拒走之十月常甯土寇闖入治城殺典史吳世昌把總許得祿遂走嘉禾殺把總邵定太圍攻藍山團總孫紀良鍾良欽等拒戰死儲玖躬張榮組破走之十二月江忠源死於廬州始議大集兵援湖北

四年正月乙卯總督吳文鎔敗死貴州以台湧爲總督寇自武昌犯岳州巴陵知縣朱元燮死之二月乙

寇陷湘陰西從陸道犯甯鄉會國藩自衡州率水陸大軍浮湘東下聞寇至遣儲政躬往援甯鄉壬午甯鄉陷政躬聞警馳赴之衆議以寇盛宜止屯攻躬曰賊不取正道而旁出必人少也自吾領軍督擊土賊今遇大賊不進何以率衆及至寇方縱掠攻躬軍見寇少遂驅之寇驚走出遇掠者還相擠攻躬軍屯城外獨率十餘人卒與寇遇戰死南門羣寇傳相告官軍當來即夜引去湘陰岳州寇聞官軍大至亦俱北還路乘車遺朱孫詒王珍率三千人出通城攻蒲圻聞寇復至收衆保岳州三月丁未寇大上圍岳州國藩軍亦至屯南津戊申岳州軍潰退寇從而上軍還省城寇踞靖港再陷甯鄉敗湘軍三營甲子陷湘潭省城上下皆寇屯巡撫提督委戰事於會軍四月庚午國藩自攻靖港寇不利布政使徐有壬接察使陶思培會詳巡撫請奏劾侍郎曾國藩且先罷遣其軍巡撫不可城中亦不復設備辛未塔齊布大破寇於湘潭丙子湘潭靖港寇俱退走踞岳州巡撫提督上功而曾國藩請罪有 詔詰責提督鮑起豹以事闕大員不聞出戰惟會銜奏報卽日免官以塔齊布署提督塔齊布以都司署守備僅二年超擢大帥新從湘潭立功歸受卹之日文武民士聚觀相歎詫雖起豹樣從亦驚喜以爲 皇上知人能任使軍氣始振焉是時依故事提督列銜在巡撫前曾國藩以事降黜銜名又在巡撫後而塔齊布謹事國藩自比於列將徐有壬等皆詣國藩賀且謝罪 詔令國藩擇司道大員隨營主餉有壬等惴惴恐在選中國藩笑謝之謂所親曰此輩怯懦徒敗吾事雖請同行吾固當止之況不欲乎乃修船選士合謀渡湖五月岳州

寇常德分陷龍陽澧州援軍將周鳳山胡林翼李輔朝等自龍陽退保益陽水軍方艤船不能救常德知府景星副將富勒敦同知李春暄武陵知縣朱元增死之寇留屯十五日六月戊辰朔棄城北走時武昌聞久湖北巡撫壽慶以請援餉爲名南走長沙己巳武昌陷湖南飢民避寇從壽慶來者萬數人必皇怖乘章運米往迎之則潰兵數百飢悴無人色壽慶至長沙留數日西保荊州 詔斬以徇台灣免楊壽爲總督庚辰提督塔齊布從曾國藩出師進攻岳州署寶慶知府魁聯以習兵事 特補岳州知府與胡林翼各將兵再繼進壽慶督多順還屯常德遣江忠淑趙眉玉等自平江出攻通城七月乙卯塔齊布大破寇於岳州禽寇將會天養島之目三日猶視武昌羣寇聞之爲齋醮三日閏七月戊辰朔克岳州甲戌江忠淑等收通城廣西土寇侵郴桂永州邊以王珍周雲樞防江華王葆生李輔朝防郴桂恭城寇犯全州增設陳立紀江忠濟防零陵東安八月己未曾國藩水陸軍克武昌漢陽湘軍自此名顯連州寇犯險武參將趙永年拒走之仁化寇犯桂陽乳源寇犯宜章滋陽寇犯道州江華甯遠嘉禾王珍周雲樞及游擊駱元泰等先後合擊寇散走出境十一月駱乘章奏劾署提督多順庸劣潛酒罷之自此軍事奏報專於巡撫五年正月總督楊裕寶州師潰曾國藩分水軍還援武昌餉道阻絕水陸軍將胡林翼李孟羣彭玉麟等皆仰資湖南大發船礮火藥銀錢拯之仁化寇陷桂陽趙眉玉拒戰寇棄城還遯富川寇屯聚縣城王珍周雲樞出境攻討不利二月庚戌王葆生等攻廣東連州寇破之收其城湖北省城復陷三

月富川寇入犯永明王珍等自江華馳擊破之貴州寇起鎮遠沅晃戒嚴是時諸軍專備廣東邊廣西防以委永州知府黃文琛岳州防以委魁聯辰沅防以委永順知府翟誥惟以不請兵餉者爲能事魁聯懇直好爭議秉章弗善也會 詔補魁聯按察使不令還省受印魁聯自以奉 特簡徑還省城秉章因劾以委軍仍降知府幕客左宗棠雅善衡水道文格時擢廣西按察不欲往因奏以文格署按察使翟誥權辰沅道但張戰功且寡資助軍不以煩院司故尤重翟誥奏補實授論薦甚力長沙知府倉景恬以失察盜竊爲巡撫所持奉令嚴懲巡撫專聽左宗棠宗棠以此權重司道州縣承風如不及矣守令能者朱孫詒知寶慶陸傳應知衡州及東安賴史直湘潭孫坦澧州胡鐸湘鄉唐逢辰邵陽邵綬名雖清濁有別皆放於爲政省城大政則鹽道恭麟委員王加敏得與操縱之柄自餘司道拱手而已於後論軍政吏治者推湖南而謗議亦自此起四月總督楊岳帥免以官文爲總督趙岳玉出境攻樂昌至平石南遇寇敗死寇犯宜章王葆生軍潰富川寇犯零陵昭東安執知縣賴史直五月宜章寇掠臨武嘉禾增黨襲郴州昭掠之王葆生等軍保永興衡陽土寇起文格遣軍合湘鄉團丁捕討寇黨破散六月通城寇入岳州邊殺臨湘知縣姚榮卿湘陰長樂團丁出新牆過之寇退通城郴寇分陷桂陽州州民結團自衛湖南民團平江湘陰桂陽州列縣無與爲比魁聯既罷以知府張承寶領其軍承寶辭復劾免之悉以軍隸江忠濟七月攻寇蒲圻之羊樓敗退岳州以劉長佑募千人助王珍攻東安東安寇陷已三月王珍初以八百人

至寇空城出走珍屯城北江忠淑屯其東軍中無故自驚寇更還攻圍珍營戰不利俱東退四十里屯井頭墟寇復入城踞守長佑至與珍合進八月辛卯朔寇分走新甯全州長佑援新甯珍追餘寇寇復東北走祁陽于道破散癸巳榔寇分掠甯甯安仁邊癸卯陷永興甲辰陷茶陵永興寇分黨旁掠官軍悉屯茶陵省城戒嚴九月羅澤南自江西還軍援武昌江忠濟出軍會之收通城茶陵寇走江西永新分掠酃縣王葆生等收茶陵王珍攻桂陽州陳士杰率團丁助之收州城移軍攻榔十月澧陽寇犯永明周雲耀入城城守十一月癸亥城陷雲耀自到死甲子桂陽餘寇犯甯遠趙永年拒之下澧墟力戰死之永年雲耀皆起行伍領營兵號有智畧至具俱死營將中無復知名者始專用練勇矣乙酉榔寇西走永明王珍劉長佑等分軍追破之珍收永明寇陷江華長佑還師衡州十二月壬辰貴州苗寇陷晃州圍沅州遂陷麻陽官軍蹙之俱退走

六年正月戊辰江華寇棄城走王珍要擊破之茶陵寇陷吉安江西列城盡爲寇踞曾國藩居南昌軍報阻絕詔湖南出軍援應以劉長佑蕭啓江出醴陵瀏陽己亥克萍鄉四月江忠濟攻寇通城遇伏軍潰忠濟敗死湖北巡撫胡林翼遣軍援江西道崇陽聞敗進屯蒲圻要寇破之軍進至瑞州寇復入掠平江湘陰前隊及長沙北界掠醴陵攸縣茶陵走江西遣王珍屯岳州丙子援江西軍克萬巖九月辰沅軍出境援銅仁十月丁酉王珍軍出境收通城乙亥援江西軍克分宜十一月壬午朔克袁州癸卯胡林翼帥

湘軍克武昌漢陽王珍軍還屯岳州十二月己未援江西軍克新喻遣趙煥聯等自茶陵收江西永甯余
星元等自鄱收江西永新運花內劉拔元等自桂東收江西崇義上猶

七年正月廣西寇起興安靈川二月陷柳州遣永州防軍二千二百人隸蔣益澧別募千五百人援廣西
會國藩以父喪還湘鄉增遣王珍軍助劉長佑攻臨江四月援貴州軍收錦屏五月劉拔元等軍收龍泉
六月王珍軍收樂安援貴州軍收永從七月湖北湘軍將劉勝鵬攻瑞州中敵死復瑞州蔣益澧克興安
八月壬子王珍卒於樂安十一月乙酉援廣西軍將黃輔鼎彭玉山攻平樂中敵死蔣益澧克平樂十二
月乙卯劉長佑薨啓江克臨江是年援軍四出境內無警乘章以軍餉不給始清釐漕糧浮折減納價覈
官吏中飽裁監司例取省費億計漕折最重者湘潭恆廿五千而納一石今乃三千八百而納一石若
市價米石二千則以一千充軍餉以八百供縣用民減賦而國用增其後湖北江西皆仿而行焉知縣費
資熙方在告乘章躬造其館起之下檄令知湘鄉不由漕司文格大驚儼然無可柰何賴史直失城當議
罪而更奏薦後晉補岳州知府於是文法拘格悉破矣又案揚州例推商貨釐設釐金局自爲收支以
裕麟總之藩司列銜盡行莫能問其數局庫之儲倍於舊庫乘章亦自以廉儉率下文格亦無所求取故
威行於府縣貪靡之風幾革

八年正月丙午援江西軍克新淦劉長佑以疾歸三月庚辰援江西軍收宜黃崇仁四月壬子湖北湘軍

將李績實克九江乙丑援江西軍克撫州己巳克建昌蕭啓江以疾歸五月戊子援廣西軍克柳州時江西寇悉走浙江寇帥石大開能合衆六年與章昌輝謀殺楊秀清未發秀清遣之出江西昌輝敗獨還江甯殺秀清及其黨二萬大開聞變還昌輝並欲殺大開大開走因殺其母妻洪秀全又殺昌輝而召大開大開不敢還遂爲流寇貪進大衆不能剽疾避官軍而行黨衆恒數十萬故不能久屯據援軍旣進江西無寇秉章念兵合不易當遂入浙以滅寇爲期長佑啓江先後歸恐遂不樂軍事因奏請起復曾國藩奏下而 詔至促國藩援浙兩湖供餉秉章議以劉蕡軍屬之及王珍壽部張運蘭軍俱留在江西吳國佐者左宗棠所拔用方屯省城外爲中營六月丙辰遣從國藩發長沙八月胡林翼以母喪還益陽戊午援江西軍將趙煥聯等與曾國藩克吉安石寇復自福建犯江西陷瀘溪金谿安仁崇仁宜黃劉長佑至撫州拒防九月破之新城寇還走福建長佑軍以疾疫還十月壬戌李績實敗死三河援貴州軍解黎平圍進攻古州 詔起復胡林翼仍爲湖北巡撫曾國藩改援安徽石寇復出江西蕭啓江至軍遣拒之贛州吳國佐罷還以曾國藩吉安軍及張運蘭軍從國藩屯宿松

九年正月石寇自南安陷桂陽縣蕭啓江躡之二月寇陷宜章興甯郴州桂陽州所過人馬連行六日夜湖南竄恐寇將規衡州自桂陽州取間道出花園堡陳士杰軍數百扼七孔橋殊不知其大至卒相遇還憑橋發礮寇亦不知有軍於此愕而止未退而魏喻義將一軍本屯驛道當寇衝僅孤屯將移善地自山

後建旗吹角而出寇見大驚遂返奔越新田甯遠團永州別陷嘉禾隨武悉徵軍將劉長佑江忠義田興
 恕余星元楊恆升李輔朝張榮組吳國佐李金陽段瑩器何紹彩王勛黃三清劉吉三赴急而令劉培元
 彭定太崔大光費榮快集潰卒蕭啓江還湖南劉坤一趙煥聯周寬世等領舊部王明山蕭翰慶陳金鼐
 鄒漢章自湖北來領水師黃瀆熙新領軍屯省城亦出助攻長佑至永州寇解圍走祁陽掠道州攻東安
 圍七日城陷知縣李右文死之犯新甯四月乙日長佑自東安要寇新甯軍潰木山輜重盡喪收衆保新
 甯寇犯寶慶分圍武岡江忠義援武岡先寇五日至寇圍攻五日解去田興恕劉吉三自沅州援寶慶辛
 亥寇至止屯黃塘道州寇復趨新甯長佑合劉坤一江忠濬李明惠軍拒之石大開自攻祁陽防軍將王
 勛余星元等不能禦增遣周寬世朱品文陳湜往祁陽趙煥聯魏喻義陳士杰防衡陽驛道屯熊領寇前
 隊至鎮煥聯等退走寇不復進煥聯等還據鎮於是寇聚圍寶慶官軍亦皆聚屯寶慶復增遣劉嶽昭楊
 安臣助軍英德寇勢北趨遣蕭啓江大軍及李輔朝陳士杰魏喻義等防郴五月陽出寇犯臨武圍藍山
 攻甯遠陷永明賀縣寇敗江華營兵陷城縱掠而還胡林翼遣李續宜將五千餘人渡湖自安化援寶慶
 寇大合圍并圍田興恕趙煥聯諸軍興恕等倚城東煥聯倚城西夾資爲屯寇築壘塞其間兩軍不相聞
 劉長佑從武岡西南來不敢循驛道更繞而北余星元等屯洪橋在興恕東有衆七千甯二千人守洪橋
 進屯柳橋以援興恕寇攻洪橋屯破之衆軍懼長佑從麻溪渡資亦西屯李續宜自藍田來移書問進

兵路實滿熙席寶田報書言當直南援洪橋趙煥聯知續宜欲西自圍中與書言當自北攻續宜乃西渡
涇溪當是時園內外水陸軍四萬悉統於續宜然湖南名宿將皆在非續宜所能統寇連營百餘里號三
十萬日食米數千石圍及兩月野無所掠城中倚外軍悉出戮春寶與恕等軍深壕相持寇聞新軍至欲
急破之以潰諸軍反舍東而攻西六月丁卯續宜至長佑軍中寇方先攻長佑營續宜悉軍助守寇敗走
續宜軍乘之破寇壘七以通煥聯屯官軍大歡其夜寇吹角滿山野集衆西渡明日前隊出攻官軍其後
隊引而南走田與恕開壁出戰亦渡資合大軍城中呼譟相慶寇既引去諸軍各相讓莫有言追截者七
月餘寇復陷東安續宜長佑分道赴援大開已踞廣西興安續宜還湖北長佑軍疲亦罷田與恕趣靖州
防黔邊黃濟熙攻賀縣寇於江華唯蕭啓江追寇出境增調張運蘭軍防郴永八月連州寇入宜章胡國
安拒走之黃濟熙襲江華寇於領東破走之以寇圍桂林復遣劉長佑募新軍與蕭啓江繼進乙丑啓江
至桂林長佑至全州石寇自義甯欲合柳州土寇土寇閉城拒之遂走慶遠趨南舟啓江還湖南長佑遂
留廣西授按察使九月張運蘭出境攻寇連州黃濟熙陳士杰等拒寇藍山皆平之援貴州軍將兆琛周
洪印等收鎮遠十二月石寇黨奔潰四出以黃濟熙劉緣昭屯防永桂張運蘭屯道州

十年正月田與恕授貴州提督將二萬軍出銅仁以江忠義募二千人屯綏靖蕭啓江自常德赴援四川
四月永州總兵樊燮以驕倨爲巡撫所劾罷因擣于總督指目左宗棠布政使文格亦忌宗棠陰助燮

216-217, 1948

督球聞召宗棠對議武昌乘章再疏爭之奉 嚴旨命考官錢寶青即訊事連獲文琛王傑生等文琛因
 以抗直為宗棠所抑至是保明宗棠胡林翼復力解之得不遽坐文琛等微罪奪官宗棠游軍中購林翼
 及曾國藩請以偏將自效國藩等慰遣之令還湖南石寇走貴州蕭啓江卒於成都雲南寇犯四川啓江
 部將何勝必破之非研江甯大營潰退蘇州陷授曾國藩兩江總督乃徵張運蘭軍赴祁門固徽甯保江
 西五月己未劉嶽昭陳品南等出境克賀縣石寇復走武緣以四川寇亟 詔騎乘車往督軍而文格署
 巡撫時裕麟授廣東運使已一年奏留治餉至是授湖北按察使留湖南按察使翟誥署布政使左宗棠
 將六千人從曾國藩赴江南前吉安知府黃冕議供支會軍軍餉與裕麟合請國藩加推商貨釐語在籌
 餉籍八月石寇還出義甯豐川恭城戊辰犯永明 詔授翟誥為巡撫九月己酉受印以劉嶽昭黃濟熙
 兩軍從乘章行未幾石寇陷綏甯殺知縣吳熊陷城步殺知縣安和攻武岡以江忠義為大將拒之城守
 三日寇走新甯奏留援蜀軍助攻守十月丙子寇陷東安殺知縣趙榮祺掠道州永明江華而東自藍山
 趨桂陽宜章屯將胡國安戰死寇遂仍犯南安

十一年二月庚申駱秉章軍行於道奏翟誥浮侈罷之仍以文格署巡撫石寇後隊復自藍山走桂陽縣
 三月貴州寇入靖州五月 詔文格還本官以毛鴻賓為巡撫九月石寇都黨復犯綏甯其前在貴州者
 復自來鳳入龍山四川軍將易佩紳募兵長沙道永順馳驛之敗檄劉嶽昭軍前留湖北攻隨州聞善遣

援來鳳 詔以江忠義爲貴州巡撫毛鴻賓以西南防急奏留領軍其詞言貴州巡撫需員云云湖南巡撫始自尊矣秋胡林翼病革時密奏勅裕麟鴻賓聞之陽奏遣裕麟赴湖北因解其任裕麟久專利權兼攝兩司開敏無過狀官吏民士用舍在其指顧一旦罷去鴻賓意益得慶遠知府陸增輝之官從鴻賓來用黔捐例改道員以代裕麟文格以吏歸召岳常澧道惲世臨署布政使起用李逢春解長沙縣印卽知本府又專以趙煥聯居省城領防軍總營務兵餉吏治皆有私寄異於駱秉章時云十月甲戌石寇黨陷會同十一月鴻賓奏勅周鳳山募軍冗濫因頗短湘勇不可盡用欲他省命將權悉歸湖南奏入報聞石寇攻黔陽陷瀘溪勅江忠義委軍歸葬罷其貴州巡撫 詔改提督石寇至永明與來風寇合走

四川

同治元年正月席寶田等軍攻來風寇破之復其城劉嶽昭屯施南聞捷先上功於湖北以合羣論功布政使惲世臨始稽鉤軍需收支計足陌錢百萬常贏萬四千千扣水錢百萬常贏萬六千千悉拘製造工匠欲坐局員侵牟先奏奪王加敏官覈訊無所得貴州苗敢寇起援軍出銅仁 詔授田興恕欽差大臣專治貴州軍興督餉湖南鴻賓怒奏停其協餉未幾興恕罷是時湖南無寇唯月報廣西貴州邊防以爲戰功西洋通商法郎西請天主教堂故地衡州湘潭皆令官清丈還之聽自修建於是士民引 聖諭異端焚毀教堂攻從教人法郎西公使愬之 詔官修復衡永遺賫文琛上官舉已定彼教主自建

官修失體而湘潭已興工巡撫恐生事專寫債條者乃罷文琛以知府張士寬攝兵備主其事以釐稅收數不符奏劾辰沅道陸傳應傳應至復漫爾之通判梅齡怨鴻賓劾罷己官因撫事懇總督且及其大與取妾事文格時還湖南本官遣武昌爲解於總督湖南軍需局以三千金償梅齡寢其事十二月奏以長沙知府丁寶楨率湘將至山東討捻寇寶楨時擢陝西按察使 詔改山東

二年三月以席寶田江忠義軍出江西授安徽文格移廣東揮世臨爲布政使五月毛鴻賓遷兩廣總督世臨代爲巡撫鴻賓以文格挾前事因劾罷之率湘軍將張運蘭楊安臣劉德謙以行世臨既得位當奏署布政使越次用糧儲道李明墀接察使倉量恬不能堪請病去八月石寇部黨李復猷犯永綬時大開已於四川破敵被禽斬餘黨依復猷欲還廣東出酉陽窺辰沅大集諸軍防之湖南名將已盡世臨不習軍張文報而已復猷遂入會同殺知縣鄧爾昌陷綏甯分走道州陳士杰拒戰寇潰散走江華出廣西別部掠通道敗靖州防軍十月廣東軍禽斬復猷於連州湖南以捷聞世臨本依鴻賓以起至是鴻賓大怒世臨又追前事奏徵陸傳應自貴州至長沙會計釐稅收數鉤考其事不能竟也稍修小怨以飲博事羅致道府十餘人又好以訪聞案事皆示憲令自引退石贊清爲布政使守例奉行吏治不能廢物議謹譁矣然世臨謹事巨室陽示同好惡士大夫喜事者翕然稱之

三年五月江浙逃寇犯江西大增防軍險二萬分屯諸府自釐貨鹽茶稅與公私饒裕冗軍益多皆坐營

無戰事比於類兵而滑稽蹈巧之將亦由此進咸豐以前諱言寇入自毛鴻賓以後每奏事必言東西同
警羣寇迭至以希大舉焉六月江甯克洪寇平防軍仍屯戍備寇四年二月憚世臨罷以李瀚章爲巡撫
世臨爲政多倖門高下任意又刻覈自以習例奏明銓格於補官屢詰難吏部而時議追咎毛鴻賓專擅
咸福皆自世臨發之欲並去此兩人然其牽引多重發難乃假例事付吏議鴻賓世臨皆自以爲無恐及
奏上竟降調世臨出不意湘軍將以其治軍疏又力主權稅齊東征乃率餼銀五萬以資其歸瀚章本起
湖南州縣久從會軍無所不諳練特喜靜鎮抑英銳頗收權歸之官舉錯又異矣三月洪寇餘黨汪海洋
等屯踞福建廣東邊議四省合擊復增軍遣陳士杰自桂陽出仁化王永章自宜章出樂昌張義貴屯郴
州四月鮑超軍自江西援陝超假歸四川遣總兵馮標等將前軍出漢陽待餉湖北餉不時發又不令其
軍至省城久屯金口軍士怨望馮標等短於撫馭超軍號雲營多收降寇不樂西征乃譟而叛直掠而南
欲合福建餘寇霆營剽悍有名諸軍畏之過於大寇遂自袁吉入攸攸安仁而南湖南屯軍至衆當突而
過先敗趙煥聯所部軍劉德謙要之不及委所掠東走德謙軍收趙部軍械無算叛軍至桂陽縣乃遇陳
士杰拒戰大破之餘千餘人逸去八月復遣羅蓋彭炳武等助郴防悉沙井援貴州軍爲二十營以周洪
印領之十二月汪海洋及叛軍皆平東南休息乃議援黔

五年以李元度爲大將出沅州攻銅仁石阡寇以洪印等出靖州攻天柱清江苗

六年夏李瀚章遷總督劉崑為巡撫奏罷洪印及貴州布政使兆琛軍以席寶田募新軍討苗始大用兵矣 朝議令四川湖南俱出軍兼供其餉以平黔為期湖南鹽茶貨釐稅自海口通江浙定結於前十之六所加東師餉稅復停因議捐輸李榕為布政使倡言當先令巨室助資以率齊民實不能行而士民怨恨聽他事令言官劾榕所委用者而張自牧久誦黔撫局故指攻自牧劉崑奏辨悉直之其冬增遣廣濟昌率軍出晃州克賊遠

八年春潤昌自施秉謀取黃平中伏死軍覆言者以陰事復劾李榕總督李鴻章雪其事而微言榕不恤名罷之王文韶為布政使

九年秋湖潭盜民以縣丞於朱奪捕人隄胸夜集百餘人劫之縣丞逃走傷死以傳聞因訛言哥老會哥老會者本起四川游民相結為兄弟約援急必相助軍興而鮑超營中多四川人相效為之湘軍亦多有初不為姦利及寇平軍罷散歸無業者假以報復劫掠因又招誘所在有之各不相屬又人艱糶井不能助緩急而官吏諱劫盜憚緝捕備生喜防未然往往推之哥老以張大其勢奏報頻頻上聞 廷議以為固有之雖詔防察終以為不能絕寇起既久督撫亦不復議疏防罪一聞哥會輒上參發兵於是巡撫以湘河至近大發省城屯軍及旁近軍令募軍至六千以柳萬春于高勝為將往來潭醴間莫測寇勢稍取民間衣物所至民亦恫喝之用兵數月卒無所得虛張首虜而還

十年春龍陽姦民復謀殺在籍同知陳景滄父子益陽姦民亦劫呼以縣州聞之以爲寇大起總督郭柏
詹以聞 朝廷未得湖南奏詰問巡撫而亂民已散去有哥老會者不已因 命總督李鴻章渡湖乘之
罷劉崑以王文韶代之奏設保甲局而還

十一年春席寶田盡平貴州苗軍事告畢四境無所防而水陸軍如故省城城守縣火擊樓若備寇至哥
老會時有聞者軍往輒散文韶亦頗知諸軍無事坐食然不能罷貨稅捐贖益厭不復效湖南南蓋贊駁
矣

會軍篇第二

軍興而養兵之利害盡著諸帥臣則稍稍召募而江忠源以楚勇顯然兵如勇益甚所屯則私鬥戰敗固不救反陷之咸豐二年冬湖北大營患潮勇橫恣罷遣之歸乃益道掠公奸良民婦衢市所至焚殺愚民以爲官兵不如寇則姦人倡僞議謀通賊及結盟拜會相挺起矣會國藩既奉命幫辦巡撫團練是時湘鄉先立練局請主其事辭母愛不出且自言行軍用兵不素習已而武昌陷湖南大震始至長沙與巡撫張亮基治守禦且上奏曰團練之難難於捐貲湖南行伍空虛以練兵爲要務自軍興以來二年有餘糜餉不爲不多調集大兵不爲不衆而往往見賊逃潰未聞有慶戰者所用兵器皆大礮鳥槍遠轟擊未聞有短兵交鋒者其故何哉由兵未練習無膽無藝故也今欲改弦更張於省城立一大團擇鄉民壯健樸實者招募來省練一人收一人之益練一月有一月之效又曰湖南會匪自粵逆入楚大半附之而去然猶有申子紅黑邊錢香會成羣嘯聚如東南衡永郴桂西南寶慶靖州萬山叢薄爲卵育之區有司亦深知其不可遏特不欲其禍自我而發相與掩飾彌縫苟且一日之安積數十年應殺不殺之人而任其橫行今鄉里無賴之民囂然而不靖彼見夫命盜首犯常消搖於法外也見夫粵匪倡獗而莫制也遂以爲法律不足憑官長不足畏若非嚴刑峻法無以折其不逞之志臣欲純用重典以鋤強暴卽良民有安生之日臣身難得殘忍嚴酷之名所不敢辭今之急務在使通省無不破之案而盡除大小各會匪則

滌環蕩穢可期也有曾經搶掠拜會結盟者請卽用巡撫令旗恭請 王命立行正法內姦既清外寇雖至無能爲已於是立三等之法重者斬次杖斃小鞭責釋之而已不以煩府縣獄又手書告勸鄉人士耆老雖幼賤身自下之必與鈞禮有所布告皆通啓自名每牒府縣招致賢俊枚令雖怙舊習然親見大人尊官與鄉民諸生爲等夷亦稍稍悟悔官民否隔頗詢地方利病山野材智之士感其誠雖或不往見人

人皆以會公可與言事湖南欣欣鄉治矣國藩以十二月壬辰治軍事

三年正月丙午朔丁未寇竄武昌下犯安徽江甯湖南不受兵乃益招募教練兼令營兵防城者月六日合操撫標中軍參將塔齊布日閱所部軍訓練有法諸州縣亦時稟承國藩言所興除有上言胥隸貪恣輒捕治斬之其行館卽訊者經三月殺五十餘人文法吏大譁張亮基移督湖廣未幾移撫山東署湖南巡撫潘鐸引疾去賂乘章復來以國藩所行異於羅繞典及諸團練大臣心誅之然見其所奏輒得 褒答受 主知未有以難也二月常甯土寇起以劉長佑將楚勇五百人湘勇三百人往未至其縣團丁討定之陽山寇窺宜章大庾寇入桂東殺汛官以張榮組將七百人往衡山土寇起三月劉長佑破平之永興安仁茶陵時有寇發輒聞而兵隨至姦軌破散五月洪寇分黨圍南昌江忠源往援因乞師湖南以羅澤南將湘勇千二百六月辛卯起行道醴陵忠源弟忠淑將楚勇千壬辰起行道瀏陽署鹽道夏廷樾將營兵六百人湘勇七百丁酉起行道醴陵援軍之行也國藩念營將積敝不可用純用書生爲營官率皆

生員文童以忠誠稱揚煥然未經行陳故以楚勇百戰者儲楚勇傳劉觀營博疏略乃命千總張登科領湘勇二十人爲前哨戒忠淑登科曰哨探必百里至瑞州待湘軍而行忠淑徂其家軍稱勁旅心笑曾公怯驪而前中途謗言寇至諱而潰走姦民謀驚之棄軍械餉糧退保義甯十餘日乃進七月壬申湘軍至南昌則戰城下書生爭奮搏寇寇陽退鈔其後軍敗營官附生謝邦翰盡生難鎮南易良幹羅信東戰死澤南收衆入城於是國藩聞之以爲湘勇果可用雖敢深入官兵不如也江忠源初至九江奏請增兵國藩與書曰今日之極可傷恨者在兵敗不相救而已蓋制營之初徵兵一千而抽選數營或數十營卒與卒已不相習統領之將又非平日本管之官遂乖然不能以相入至於兵與勇遇尤相嫌恨桂東之役三廳兵尋殺湘勇於市江西之行鎮軍兵殺湘勇於三江口傷重者十餘人以今日營伍之習氣與調遣之成法雖聖者不能使之一心足下前奏調雲貴湖廣兵六千募勇三千合爲一萬自成一軍夫六千之兵必有一二鎮將統之其勢不能相下而將弁中又多卑庸無足與語者鄙意欲練鄉勇萬人概求吾黨質直曉軍事之君子將之以忠義之氣而輔之以訓練之勤相激相勵而後可以言戰也忠源未及用而江西楚勇以索賞復潰健銳者皆棄去江軍遂弱九月敗於田家鎮是時湘營制營三百六十人中營羅澤南將之左營王珍將之右營鄒壽璋將之塔齊布將兵勇成二營周鳳山儲致躬各將二營曾國葆將一營國藩仍欲充廣至六千人合忠源所將成一萬爲義師而已居湖南有寇乃佐巡撫治兵彼多與

軍民政事晏沙協副將清德自以爲將官不統於文吏雖巡撫例不同豈擬爾塔齊布路會國藩違例提督炮起約者昏庸自喜聞清德言則揚言盛夏探兵慮軍士且提督見駐省城我不傳操敢再妄爲者軍棍從事塔齊布沮懼不敢出司道羣官皆竊喜以謂可憐多事矣提標兵固輕侮練勇倚提督益驕道湘勇試火槍傷營兵長夫因發怒吹角執旗列隊攻湘勇城上軍營險壞出城中驚譁國藩爲難試槍者以謝乃已俄而辰勇與永順兵私鬥辰勇者塔齊布所教練也提標兵益傲怒復吹角列隊討辰勇於是國藩念內鬥無已時且不治軍即吏民益輕 朝使無以治姦執移標提督名捕主者提督亦怒設曰今如命縛詣轅門標兵洵滿街國藩欲斬所縛者以徇慮變驟疎未有所決營兵旣日夜游聚城中文武官閉門不肯誰何乃猖狂公國藩公館門公館者巡撫射圍也巡撫以爲不與己公事國藩度營兵不敢決入方治事刀矛競入刺欵差隨丁幾傷國藩乃叩巡撫垣門巡撫陽譴反謝遣所縛者縱諸亂兵不問司道以下公言會公過操切以有此變國藩客皆憤怒以爲當上聞國藩歎曰時事方亟臣子旣不能弭大亂何敢以己事瀆君父吾甯避之耳即日移屯衡州已而湖北事亟總督吳文鎔故國藩坐主專倚援湖南奏調湘軍有 詔令會國藩赴援駱秉章供支其軍巡撫亦以寇難故手書謝國藩且召之同守省城王珍時將湘勇聞援鄂自請增募合三千人先往十月武昌寇去江忠源擢貴徽巡撫兵少不能進傅鄭宋晉請發湘軍援安徽時浙事狂勇分據土寇未嘗休息合會軍餉乏給器械服藥隨又方讓水